

治河事宜

景抄嘉靖刊本


地721
773.2



河南管河道商大節著


治河事宜

紫江朱氏存素堂影抄本

黄河图







徐州

夏邑縣

歸德州


寧陵縣

枯城縣

此乃舊黃河南
至鳳陽府入海

睢州

杞縣



南直隸碭山縣

考城縣

儀封縣

蘭陽縣

虞城縣

李景高

銅瓦廂

崔家堤

此乃新開運
河東入徐州

河南管河道事宜

漢南商大節著



一為議處河道夫料以祛宿弊事切照黃河流派
經遶河南一省地方每年脩河之費俱出於常
賦之外皆各省之所無者今計其數原議五百
里之內做工河夫二萬二千一百六十四名每
年每夫該役三箇月每月工食銀一兩共該銀
六萬六千四百九十二兩五百里之外徵銀河
夫一萬二千二百九十名每年每名該徵銀三
兩共該銀三萬六千八百七十二兩每年堡夫

治河事宜

二千三百七十二名係一年常役之數每名該
工食銀一十二兩共該銀二萬八千四百六十
四兩三項每年共該銀一十三萬一千八百二
十八兩內做工河夫工食幫戶五十丁出辦十
年一次編審堡夫出自均徭一年一次編審所
費工食自備自用惟徵銀河夫與曠工銀兩每
年各該州縣徵完解赴本道轉發開封府及祥
符等縣貯庫取具實收到道方發批廻登入各
該循環簿籍凡有支用本道呈請
本院照數給發委官買辦本道止存出納之數

以備稽考但各處收頭人役及管工官員人等不皆公直之人乘機侵取罔上欺人是使小民之脂膏皆填於虎狼之口及考工程經年屢月未見完備近該

總理河道衙門清查各年拖欠銀兩共該七萬一千九百八十餘兩又該本道查出先年各州縣解道銀兩批發開封府及祥符縣貯庫已經數年不取批迴豈皆小民拖欠之數又查出通許等縣收頭人役通同該吏侵分曠工河夫銀兩並文回報為計已久其他作弊百端難以枚

治河事宜

二

舉若不預為之防曲為之備恐姦偽日滋法度盡廢小民之苦何由以伸通者驗之詞訟稽之案牘訪之輿論得之聞見撮其要且先者條陳三事期以祛弊但更新之始不利姦人苟可陰壞其法輒便雌黃其口若非呈請定奪終非畫一之政今將徵銀買料部夫三事備列于后伏乞

照詳明示施行須至呈者

計開

一徵銀貯庫本皆正法故各州縣設有庫

子乃官收而貯之庫者凡係官銀皆從此出納故官有稽考今各州縣河夫銀兩皆今義官或陰陽諸人在外收掌且各州縣河夫多者一千餘名少者亦不下二三百名計其數動該銀數千兩各人收執任意花用官皆不知及至催解百計展轉回文搪塞或至一二年方解或終於不解抑且倚勢多收銀錢小民不近官府無由控訴間有州縣官員略知姦弊要行官收各該姦詐之徒倡為

三

汙穢之言以恐其心遂爾終止今合革去前項人役止令官收貯庫及至起解官僉殷實人戶或義官等項可任者差遣凡錢糧銀兩零收在庫及至總類自然有餘即以其餘者給作解戶盤費等項亦自完足如此則官司有監臨之責必不敢通羣小以侵漁庫子有主守之罪必不敢冒重法以盜取凡有徵解取之官庫轉之司府其勢易其理直錢糧在官其數自裕積之二年可以餘一年

之費積之三年可以餘二年之需凡有水旱凶荒暫免一年以紓民困則閭閻之下隱然受一十餘萬之惠不必專務賑卹而利之所及亦或溥矣不愈於導川源以實漏卮者乎

一買料付之委官亦勢之所不容已者今脩河之費數多或買梢買麻買草及樁木等項皆令管工官員買用其間奉公守法者固有苟且不才者實多致將官銀扣除任意冒破指水衝決何所查考

四

今合將買料者專委一官收料者又委一官管工者又委一官若有工所合用之料通將數目行與各官知會夫管工者須料物齊備方可完工必不肯苟容收料之官收料者必得原議之數乃可以應管工之求又豈肯寬縱買料之官以自取累至於料值之高下已有估計定規買料者亦不敢軒輊其手如是則一人作弊二人牽制二人作弊一人傍窺犬牙相制彼此覺察必不敢肆然以

自放者未有三人作弊同蹈於罪縱有之亦百無一二庶乎銀不浪費而料得實用矣

一部夫無法實難稽考今各州縣部解河夫或四五百或二三百名及到工所動至數千相聚一處紛紛擾擾滿目皆人而其數實有不足及至查點雇倩應名殊為兒戲蓋因分理不清人相混殺即兵家所謂糜兵也為今之計合以伍法定之行軍之法伍法為先一伍既定伍

伍皆然積而至於百萬相率而不亂者伍法定也如遇一處部夫至工所管河同知即為分析不拘所部多寡每五十人立為一大旗編定字號分與地方如天字旗五十名即於大旗上大書天字號夫某州縣却將五十名各令作一小旗插入頭上小書天字一號夫某州縣天字二號夫某州縣人以至五十號皆然即令天字一號夫執大旗率領四十九人凡作工將大旗插立分定處所各

自用力天字號五十人立定即以地字號五十人次之以次皆然凡有點閘管工官驟至某字號大旗下即令五十人赴點卒爾之間何以雇倩又令各旗各夫自相糾察如有不到者許本旗人首出到官即將所首之人免役一箇月其在逃之人究治除補本等做工月日外仍罰工一箇月以補所首之數夫一夫在逃則眾人為其包工必相憤而不容一人免役則眾人為之激發必相攻而不已寓機括於一伍之內收成效於眾伍之人非惟夫役不得以輕逃部夫者亦無由以賣放庶乎執簡可以馭繁不言而可以行法矣

治河事宜

六

欽差總理河道都察院右副都御史于 批據呈徵銀貯庫三事俱究見弊原稽防亦密而買料部夫尤為簡切即如擬施行務臻實効其徵銀完解仍須立一簡便之法以管束之使我易於查催而彼不得以延匿乃善此繳

欽差巡撫河南地方都察院右副都御史雒 批條
議三事皆革弊除姦經久不易之法也
如擬施行繳
巡按河南監察御史王 批治河積弊
本院備聞該道所議三事切中肯綮足
見留心職務除姦革弊之意如議著實
舉行繳

一為會計預備嘉靖二十五年河患事據開封府管河同知張完呈稱依蒙督同各該臨河州縣掌印管河等官踏勘得祥符蘭陽考城虞城四縣地方河工緊急相應脩理及一應缺口俱各增填并将合用錢糧人夫各開款畫圖呈報到道據此案查先蒙

欽差總理河道都察院右副都御史于 案驗前事仰本道照例備呈

撫按轉行河南該道守巡官開封等府掌印并府州縣各管河官員照依案後開款事理逐一

治河事宜

八

相勘會計明白畫圖會呈以憑參酌施行等因蒙此已經呈報并行守巡各道開封府及臨河州縣各掌印管河等官會同勘議去後隨蒙

欽差巡撫河南地方都察院右副都御史維 批據本道呈蒙批仰會同該道守巡官照例相勘會計通呈繳又蒙

巡按河南監察御史王 批豫處河患事理該道即會同守巡道行開封等府州縣管河官議處呈奪蒙此本道依蒙已於嘉靖二十四年十月內親詣沿河一帶巡視應脩地方隨又行令

本官重履踏勘估計去後續據本官備細開呈
前來彼因本省

撫按赴京守巡大梁道俱各缺官無憑會議已
將買料一節先行呈請

總理衙門發銀給付各該州縣趁時買用外今
照各道有官隨即會同分守左叅政金分巡
副使何公同開封等府知府白濬等將本官
所呈各處應脩河患逐一會議得前項工程除
銅瓦廂李儀賓口王家林等處河患俱各稍緩
相應臨期暫起鄉夫隨宜脩理惟祥符縣馬家

治河事宜

九

口蘭陽縣李景高口考城縣崔家壩虞城縣楊
厚口等處河患關係運道且為民害脩濬之工
較之往年實加數倍通計合用人夫一萬八千
二百一十四名捲埽物料用銀二千二百二兩
二分先次恐買料失時本道大槩估計合買料
物銀二千八百六十兩呈請

本院隨蒙批示減銀一千兩止用一千八百六
十兩已經分散各該州縣買解去後今會議得
前項工程實該添銀三百四十二兩二分查
嘉靖二十四年河工原估用銀一千八百一十

八兩三錢二分後因支用不敷三次呈請添買
用銀六百六十八兩一錢七分共該銀二千四
百八十六兩四錢八分今次河工所費略同及
照前項四處工程皆就目前形跡所可見者量
為估計但天雨久暫不時河水消長不一通俟
臨期相機防遏通融調度庶可保全若果不足
另議呈奪今將應脩工程及一應合行事宜條
列于后通俟

詳示之日行令臨河一帶刻期興工各該管河
官員專一管理掌印官不時提調若有怠惰失

治河事宜

十

事一併參究庶乎人心知警大工可成一則運
道疏通一則民患可除矣本道未敢擅便為此
今將前項緣由理合開呈伏乞
照詳明示施行須至呈者

計開

一祥符縣馬家口工程看得祥符地方王
家樓迤東二十里則為馬家口黃河大
勢自王家樓直衝本口先前嘉靖二十
三年冬會計二十四年河工止擬築小
月堤二道廂邊埽二百一十箇去年四

月末旬本職到任後親詣本口踏看水勢汹涌將沒月堤知其捲埽無益將堤內厰房所積捲埽物料呈請

本院添入李景高口應用至本年六月內委被洪水泛漲將月堤厰房俱各衝沒隨將大小柳園大堤衝開二口直衝北直隸長垣縣堤根下事勢甚急隨於七月十三日起工將沿河脩築大堤一道長七百二十丈至九月終旬工完今照本口去長垣大堤甚近長垣大堤相

治河事宜

十一

去山東張秋亦止數程誠不可不預備者但大堤雖固若非捲埽終無以禦衝決之患合用捲埽以固河堤及照本口南岸淤沙成岸直射本口若非南岸挑濬一河以泄水勢縱北岸捲埽亦難禦防通議北岸合捲埽二百箇每埽一箇用穀草二百束梢柴五十束樁木三根麻繩三條每條重五十斤共一百五十斤共用穀草四萬束梢柴一萬束樁木六百根蘆麻三萬斤每埽筭該五十工

共該一萬工并幫堤共用夫七百六十四名行委祥符縣管河主簿景純封丘縣主簿沈席珍管理知縣祁天叙提調其合調夫役陽武縣堡夫二百名封丘縣堡夫八十名脩武縣河夫二百四十七名孟縣河夫二百三十七名南岸挑河一道自地名併糧堽起至正東傅洗口止東西計長一千三百丈面闊二十丈底闊十二丈深一丈每方廣一丈深七寸為一工共二十九萬七千一百四十三工每九十工用夫一名限三箇月工完共用夫三千三百零七名行委鄭州管河判官李真總管祥符縣管河主簿景純封丘縣主簿沈席珍管理祥符縣知縣祁天叙提調合調夫役陳留縣河夫二百七十四名陽武縣河夫四百一十七名鄭州河夫二百五十名原武縣河夫一百名封丘縣河夫二百七十七名滎澤縣河夫一百三十七名滎陽縣河夫一百八十八名河陰縣河夫一